



Broj: 04-40-1-123/25
Sarajevo, 04.05.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 03.05.2025. do 08:30 sati 04.05.2025. godine

Kantonalni operativni centar civilne zaštite KS je dana, 03.05.2025. godine u 14:50 sati zaprimio informaciju da su se dvije osobe sa tromjesečnom bebom izgubile na lokalitetu Skakavca, te isti traže pomoć. Dežurni u Kantonalnom operativnom centru civilne zaštite je prosljedio poziv Gorskoj službi spašavanja Kantona Sarajevo, koji su odmah uputili dežurni tim na navedenu lokaciju. Pripadnici navedene Službe su oko 17:30 sati uspješno locirali i pronašli izgubljene osobe, te ustanovili da iste nemaju povreda i da su dobrog zdravstvenog stanja. Pronađene osobe su prebačene na sigurnu lokaciju čime je akcija spašavanja uspješno završena u 18:40 sati.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 7 manjih intervencija i to: jedna na gašenju zapaljenog niskog rastinja, jedna na gašenju zapaljenog smeća, jedna na gašenju zapaljenog automobila i 4 obezbjeđenja pretakanja goriva na Međunarodnom aerodromu Sarajevo.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 03.05.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

- Uočene su ozbiljne geološke promjene, uključujući formiranje pukotina uslijed pomjeranja tla, koje se kontinuirano šire i produbljuju.

- Prisustvo podzemnih voda, što dodatno destabilizira tlo, stvarajući plavne površine i uzrokujući eroziju prema stambenim objektima u ulici Ablakovina.
- Lokalitet je označen kao najkritičniji zbog dinamičnih geoloških promjena, što zahtijeva intenzivni praćenje.

2. Knjeginjac (Opština Istočni Stari Grad):

- Nije zabilježeno novo odlaganje građevinskog materijala, ali je uočeno slijeganje postojećeg deponijskog materijala uz početne znakove erozije.
- Lokalitet je pod stalnim nadzorom Službe civilne zaštite.
- Završena je izgradnja pristupnog puta do lokaliteta "Curine njive".
- U toku su radovi na izgradnji drenažnih kanala radi odvoda površinskih voda i stabilizacije terena.

3. Bistrički potok (Općina Stari Grad Sarajevo – Boguševac i Opština Istočni Stari Grad):

- Korito potoka i dalje je djelimično zatrpano zemljano-kamenim materijalom i obrušenim stablima.
- Nisu zabilježene nove degradacije, niti su poduzete mjere za uklanjanje postojećih prepreka od strane Opštine Istočni Stari Grad.
- Provodi se kontinuirani terenski nadzor radi otkrivanja potencijalnih opasnosti i sprječavanja daljnje destabilizacije.

4. Pripreme za evakuacija stanovništva:

U skladu sa:

- Naredbom Štaba civilne zaštite Kantona Sarajevo br. 08-40-1128-2/24 od 01.11.2024.godine,
- Naredbom br. 08-40-1128-2.1/24 od 20.11.2024.godine,
- Planovima evakuacije Općine Stari Grad Sarajevo,

Služba civilne zaštite redovno obilazi naselja Bostarići, Ablakovina i Ablakovina čikma.

- U toku su procjene rizika i pripreme za eventualno izmještanje stanovništva u sigurnije objekte koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 14°C, vlažnost zraka 74%, barometarski pritisak 939,6 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog organizacije događaja danas i sutra (04.-05.05.) od 08 do 24 sati obustavlja se saobraćaj u ulici Zelenih beretki (od ulice Hadžiristića do raskrsnice sa ulicom Čumurija). Dodatno, od 06 sati ujutro 04.05. do 02 sati 05.05. obustavlja se saobraćaj i na dijelu saobraćajnice Čumurija (na dijelu od Obale Kulina bana

do kraja ulice), kao i u ulicama Zelenih beretki i Branilaca Sarajeva (od spoja sa ulicom Ćumurija do ulice Ćemaluša).

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a